


Ces cov tubrog Loos leem lub cim rua hab zuv lub qhovntxaa. Tsi muaj leejtwg moog tau rua huv - lossis tawm huv lug.



19

Yog zaaj nuav xaus le nuav xwb, ces yog ib qhov tusab heev. Tabsis Vaajtsv ua ib yaam tshwjxeeb heev. Yexus tsi yog tuag ces taag le ntawd!



20

Thawj nub ntawm lub limtam thaum sawv ntxuv ntxuv, Yexus ib cov thwjtim pum dlaim laag zeb kws npug lub qhovntxaa muab dlov tshem lawm. Thaum puab moog saib huv, Yexus tsi nyob huv lawm.




21

Ib tug quaspug nyob ntawm lub qhovntxaa quaj quaj. Yexus tshwm lug rua nwg pum! Nwg dlha zoo sab hlo rov moog qha cov thwjtim. "YEXUS MUAJ TXUJSA NYOB! YEXUS SAWV HUV QHOVTUAG ROV LUG



22

Thawj lub Koomtsheej Yexus Sawv



Tomqaab Yexus lug ntsib cov thwjtim, hab muab Nwg tej qhov ntsahlau qha rua puab. Muaj tseeb le ntawd. YEXUS ROV MUAJ TXUJSA NYOB LAWM! Nwg zaamtchim rua Petus kws tsi leeg paub Nwg, hab qha kuam Nwg cov thwjtim moog qha txhua leej txhua tug txug Nwg. Ces Nwg rov moog sau ntuj, qhov chaw kws Nwg nqeg lug yug thawj zag.

23

Vaajtsv paub has tas peb ua ntau yaam phem, kws Nwg hu ua kev txhum. Txuj kev rau txim rua kev txhum yog kev tuag.

Vaajtsv hlub peb kawg le kws Nwg xaa Nwg Leejtub, Yexus, lug tuag sau tug Ntoo Khaublig hab them peb lub txim. Yexus sawv rov lug muaj sa hab rov moog sau Ntuj Ceebtsheej! Nwgnuav Vaajtsv muaj peevxwm zaam tau peb tej kev txhum.

Yog koj xaav tsiv tawm ntawm koj tej kev txhum, has le nuav rua Vaajtsv: Aub Vaajtsv, kuv ntseeg has tas Yexus tuag txhuv kuv hab nwgnuav tseem muaj sa nyob. Thov Koj lug nyob huv kuv lub neej hab zaam kuv tej kev txhum, sub kuv txhaj le muaj txujsa tshab, hab ib nub moog nrug Koj nyob moog ib txhis. Thov paab kuam kuv ua neej rua Koj le Koj tug miynyuas.

Nyeem phoo Vaajlugkub hab nrug Vaajtsv sibthaam txhua nubi!

Thawj lub Koomtsheej Yexus Sawv

Ib zaaj huv Vaajtsv Txujlug, phoo Vaajlugkub,

yog nyob rua huv

Mathais 26-28, Lukas 22-24, Yuhaas 13-21

"Lub chaw rua Koj cov Lug nkaag kws muaj teeb ci." Ntawv Nkauj 119:130

Tug Sau yog Edward Hughes
Tug Kus Dluab yog Janie Forest

Tug Txhais yog Andy Yang
Tug Hloov yog Lyn Doerksen

Zaaj 54 ntawm 60

M1914.org

Bible for Children, PO Box 3, Winnipeg MB R3C 2G1 Canada

Ntawv Tso Cai: Koj muaj cai muab zaaj nuav kaij lossis luam, tsuav yog koj tsi xob muab muag xwb.

Hmong Blue

Tug quaspug sawv ntawm ib ntaa roob kws ntshu ntshu, nwg lub qhovmuag saib moog rua ib qhov kws rhab qhovmuag heev. Nwg tug Tub raug luas muab tua. Leej nam nuav yog Malis, hab nwg nreg ze qhov chaw kws luas muab Yexus ntsa rua sau ib tug ntoo khaublig.


Tej xwmtxheej nuav tshwmsim le caag lug? Yog le caag Yexus lub neej kws zoo kawg nkaus yuav moog xaus phem ua luaj le? Yog le caag Vaajtsv tseem kaam luas muab Nwg tug Tub ntsa rua sau ib tug ntoo khaublig hab ca Nwg tuag rua sau? Puas yog Yexus xaav yuamkev has tas Nwg yog Leejtwg? Puas yog Vaajtsv swb lawm?

1 2



Tsi yog! Vaaajtsv tsi swb le. Yexus tsi tau xaav yuamkev. Yexus yeej paub uantej lawm has tas cov tuabneeg phem yuav muab Nwg tua. Thaum Yexus tseem yog ib tug mivnyuas mog xwb, muaj ib tug txivneej laug laug hu ua Ximoos twb qha rua Malis has tas yuav muaj kev ntshuvsab nyob tom hauvntej.

3



Ob peb nub uantej kws Yexus yuav raug muab tua, ib tug quaspuj coj ib cov tshuaj tsw qaab lug laub rua Nwg kuataw. "Nwg phumlaam nyaj ua luaj le," cov thwjtim ywg. "Nwg ua tau ib teg dlejnum zoo," Yexus teb paub. "Nwg ua npaaj rua nub kws coj kuv moog log." Cov lug nuav txawv ua luaj lej!

4




Tomqaa nuav, Yudas, ib tug ntawm Yexus kaub-ob tug thwjtim, pum zoo ntseev sab rua Yexus nrug tug povthawj hlub rua 30 npib nyaj.

5



Lub sijhawm cov Yudas ua koomtsheej Kevcai Hlaa Dlhau, Yexus nrug Nwg cov thwjtim noj mov zag kawg. Nwg qha rua paub ntau yaam zoo heev txug Vaaajtsv hab Nwg tej lug cogtseg rua cov kws hlub Nwg. Ces Yexus muab ib lub ncuav hab ib lub khob rua paub sibfaib noj. Cov nuav yog ua chaw ncu txug Yexus lub cev hab cov ntshaav kws nrug sub txhaj muaj kev zaamtchim rua kev txhum.

6




Ces Yexus qha Nwg cov phoojywg has tas yuav muaj tug ntseev sab rua Nwg hab paub yuav tsiv taag huv tuabsi. "Kuv yuav tsi tsiv moog le," Petus has khovkho. "Uantej qab qua, koj yuav tsi leeg paub Kuv peb zag," Yexus teb.

7



Mo ntawd, Yexus moog thov Vaaajtsv huv lub Vaaj Kexemanes. Cov thwjtim kws nrug Nwg moog tsaug zug taag. "Aub Kuv Leejtxiv," Yexus thov, "...Ca lub khob nuav dlhau Kuv moog. Txawm le caag los, tsi xob ua lawv le Kuv tug dlejsab, tabsis ca ua lawv le Koj tug dlejsab."

8



Taamsim ntawd ib paab tuabneeg coob coob taugkev tuaj rua huv lub vaaj, Yudas ua tug coj. Yexus tsi tawmtsaam le, tabsis Petus txav ib tug txivneej lub pobntseg tu. Yexus ua twbywv kov tug txivneej lub pobntseg hab khu nwg zoo. Yexus paub has tas qhov paub nteg Nwg nuav yog Vaaajtsv tug dlejsab.

9



Paab tuabneeg coob coob coj Yexus moog rua tug povthawj hlub lub tsev. Nyob rua tod, cov Yudas cov thawjcoj has tas Yexus tsimnyog tuag. Nyob ze ntawd, Petus nyob ib saab ntawm cov tubkhai cub suavtawg hab zuv.

10



Tuabneeg saib ntsoov Petus hab has peb zag has tas, "Koj nrug Yexus!" Petus tsi leeg paub peb zag, ib yaam le Yexus has uantej lawm tas Petus yuav ua. Petus tseem twvntuj kuam foom tsi zoo hab.


11



KHAB-KA-DUB DUM-DUS

Taamsim ntawd, tug qab qua. Nwg zoo le Vaaajtsv lub suab rua Petus. Petus ncu txug Yexus cov lug, Petus quaj tu sab kawg le.

12




Yudas tu sab, kawg le hab. Nwg paub has tas Yexus yeej tsi muaj kev txhum lossis ua phem. Yudas coj 30 npib nyaj rov moog tabsis tug povthawj hlub tsi kaam txais.

13



Yudas muab cov nyaj laim rua huv aav, tawm moog - hab moog dlai nwg tugkheej.


14



Cov povthawj hlub coj Yexus tuaj cuag Philaj, tug tswxveev Loos. Philaj has tas, "Kuv tsi pum tug txivneej nuav muaj ib qhov txhum le." Tabsis paab tuabneeg coob coob pheej quajaw has tas, "Muab Nwg ntsa sau ntoo


khaublig! Muab Nwg ntsa sau ntoo khaublig!"

15



Thaum kawg Philaj ua tsi tau le caag, hab txavtxim muab Yexus moog ntsa rua sau ib tug ntoo khaublig. Cov tubrog ntaus Yexus, ntu quavncaug rua Nwg lub ntsejmuag, hab nplawm Nwg. Puab muab xuavpaug lug ua ib lub mom hab muab looj rua Nwg lub taubhau. Ces puab muab Nwg ntsa rua ib tug ntoo khaublig kuam Nwg tuag.

16



Yexus yeej paub lawm has tas Nwg yuav tuag le nuav. Hab Nwg paub has tas Nwg txuj kev tuag yuav zaam tau cov tuabneeg txhum kws tso sab rua Nwg. Muaj ob tug tubsaab raug muab ntsa nrug Yexus ib saab. Ib tug ntseeg Yexus - hab tau moog nyob ntuj ceebtsheej. Tug saab tod tsi tau moog.

17



Nwg cov phoojywg coj Nwg lub cev moog faus rua huv ib lug qhovntxaa.

18